



UNIVERSITÄTS-
BIBLIOTHEK
PADERBORN

Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

IV. Quid sit liber Vitæ, & quo[m]odo se ad Prædestinatione[m] habeat.

[urn:nbn:de:hbz:466:1-72856](#)

14 elegisse ad gloriam, quam prædestinasse, ut suo loco magis patebit.

Assertio III. Prædestination est quidem pars quædam Prouidentiæ, at non propriæ subiectiæ; sed potius integralis aut potentialis. Prima pars est communis Doctorum, contra Aureolum in I. dist. 41. quæst. 1. art. 3. existimatam, Prouidentiam esse in intellectu, prædestinationem in voluntate. Eandem assertionis partem sæpe tradit. S. Thomas hic quæst. 23. præfertim art. 1. vbi ait: *Sic patet, quod prædestination, quantum ad obiecta, est quædam pars pudentia.* Et art. 2. *Prædestination est quædam pars pudentia.* Et art. 4. *Prædestination est pars pudentia.* Idem docet S. Thomas in I. d. 40. quæst. 1. art. 2. & de verit. quæst. 6. art. 1. & alij Doctores citat. d. 40. Ratio patet. Quia si eut Prouidentia est ordinatio cuiuscunq[ue] fei in suum finem ita etiam Prædestination ordinat creaturas quædam intelligentes in finem supernaturalem.

15 Secundam partem tradunt Caietanus hic q. 23. a. 1. Suarez lib. 1. de prædest. c. 18. Vasquez disp. 87. c. 5. n. 24 significat etiam Gregorius de Valentia q. 23. punct. 1. & hanc S. Thomas tum hic locis cit. in quibus fere non nisi cum particula diminuente ait, prædestinationem esse aliquam partem pudentiæ: tum in cit. I. d. 40. vbi ait: *Prædestinationem esse quædam modum pudentia;* sed addere aliqua *specialia super eam:* et si contrarium doceant idem S. Thomas q. 6. de verit. a. 1. Durandus in I. d. 40. quæst. 1. Capreolus quæst. vn. a. 1. Marsilius in I. q. 41. a. 1. qui asserunt. Prædestinationem esse partem subiectiæ, & speciem pudentiæ eo modo, quo species & genus in diuinis perfectionibus locum habere potest.

Et quamvis, vt rectè notat Vasquez, non multum referat, hoc velillo modo loqui, probatur tamen assertio. Tum quia non solemus absolute dicere esse plures pudentias in Deo; sed potius unam omnibus pudentem; sicut est vna ars, vna sapientia in Deo, ex dictis quæst. 8. dub. 1. sicut etiam vna dicitur philosophia, complectens plures non species, sed partes quasi integrales eiusdem, vt Physicam, Mathematicam, &c. Tum quia Prædestination, licet in plerisque conueniat cum pudentia, & vero nihil perfectionis sit in pudentia, quod non etiam habeat Prædestination, nihilominus tamen vindicat sibi aliquid proprium, quod non solum est de ratione pudentiæ in communi, hoc enim habet qualibet species respectu generis; sed quod Pudentia ipsi nullo modo conuenit: quia pudentia omnis supponit subiectum, cui prouidetur, nec unquam dici potest, per pudentiam prouideri existentiam subiecto, cui prouidetur, vt dictum quæst. præced. dub. 2. at vero Prædestination ad ipsam, etiam subiecti seu personæ prædestinationem existentiam terminatur, vt dicetur quæst. seq. Idem de prima præordinatione finis dicendum, ex dictis ibidem. Superaddit ergo Prædestination aliiquid pudentiæ, quod non tantum est extra rationem communem pudentiæ; sed quod etiam rationi eius communi, quodammodo aduersatur, eamque in aliam rationem quasi specificam trans-

fert: sicut ternarius addendo aliquid binario, scilicet unitatem, transfert binarium in aliam speciem numeri.

16 Et ob priorem rationem vocatur pudentia pars quasi integralis ex parte obiecti; seu ut loquitur Caietanus, *par obiectiva pudentia:* ob posteriore, vocari potest pars quasi eius potentialis: sicut Iustitia pars potentialis est & à Theologis dicitur Religio, Pietas, Observantia, &c. nimirum quia et si in plerisque cum ea conueniant magnamque proinde cum illis affinitatem habent; ab eius tamen ratione essentiali non nihil deficiunt. Ita etiam Prædestination à ratione pudentiae non nihil digreditur, non quidem propriæ deficiendo, sed potius eam ultra capacitem & exigentiam eius perficio. Quia de causa etiam licet Pudentia simpliciter & absolutè latius pateat, quam Prædestination, eamque excedat, quia nimirum est de omni subiecto sive obiecto Cui, de quo est prædestination, ac simul de alijs omnibus rebus creatis, de quibus prædestination non est: nihilominus tamen ex parte termini seu obiecti quod, vicissim etiam secundum quid à Prædestinatione exceditur: quia nimirum hæc ad ipsam etiam subiecti prædestinationem existentiam fertur; quam tamen pudentia supponit, vt dictum.

D V B I V M IV.

Quid & qualis sit liber vita, & quomodo ad Prædestinationem se habeat.

S. Thomas I. p. q. 24. a. 3.

Librum vitæ, de quo sæpe in Scripturis fit mentione, aliquam cum Prædestinatione affinitatem habere, indubitatum est; imo nonnulli italoquantur, quasi idem sit, quod Prædestination; quare licet S. Thomas peculiariter quæstione de hac re agat, nimirum quæst. 24. materiam de Prædestinatione subsequente; commode ea tamen velut appendix quædam & complementum huius questionis, in qua de natura & essentia prædestinationis agitur, pertinet; quam proinde ex ipso S. Thomae sequentibus assertiōibus ita breuiter explicamus.

Assertio I. Liber vita non est ipsa Prædestination diuina; sed memoria & cognitio illius, seu notitia, qua Deus firmiter retinet, & nouit, se aliquos ad vitam prædestinasse. Ita S. Thomas citat. quæstion. 24. artic. 1. in corp. & ad 4. & est communis Doctorum: et si glossa in illo Psalmi sexagesimi octauo, *Deleantur de libro viuentium, cum prædestinatione confudisse videatur, cum ait, Liber iste est notitia Dei, qui prædestinavit ad vitam, quos preservat, quæ verba tamen S. Thomas ad 4. pro se citat & intelligit.* Ratio est, Quia et si liber vita alias etiam in Scriptura significet ipsum librum Scripturæ sacrae, quia tradit modum ac rationem consequendi

vitam.

vitam, vt notauit S. Thomas ibidem ad 1. iuxta illud Ecclesiastici 24. vers. 32. *Hoc omnia liber vita & testamentum Altissimi, & agnitus veritatis. Vbi Glossa ait, Id est, nossum & verum testamentum; in propositio tamen metaphorice accipitur, pro Catalogo seu annotatione & designatione eorum, qui electi sunt ad vitam. Sicut enim inter homines fieri solet, vt illi, qui ad aliquid eliguntur, conscribantur in libro, ut pote milites vel Consiliarij, qui idcirco etiam dicebantur Patres Conscripti; ita etiam conscriptio seu annotatio, non exteriora & materialis, sed intelligibilis in ipsa diuina mente, eorum qui prædestinati sive electi sunt ad vitam, dicitur liber vita; supponens proinde in eadem diuina mente electionem seu prædestinationem iam factam: quoniam sicut liber, seu scriptura libri, est signum rerum in ea descriptarum; ita etiam tum viuens memoria alicuius rei, dicitur quasi quedam tabula, in qua res descripta continetur, iuxta illud Prouerb. 3. v. 1. *Neobliniscaris legis meæ; & præcepta mea cor tuum custodiat.* Et mox v. 3. *Describe illam in tabulis cordis tui: tum speciatim diuina notitia est quoddam signum apud ipsum quidem Deum, non apud alios, eorum qui sunt electi & perducendi ad vitam æternam, iuxta illud 2. Tim. 2. Firmum fundamentum Dei stat, habens signaculum hoc, Novit Dominus, qui sunt eius.* Et consentit Augustinus, lib. 20. de ciuit. cap. 15. vbi docet, librum vita esse præscientiam (nimurum speculatiu) Dei, quæ non potest falli.*

Addit S. Thomas eodem art. 1. ad 2. ex Augustino lib. 2. ciuit. cap. 14. nihilominus etiam vim illam diuinam, qua fieri, ut cuilibet in memoriam reducantur facta vita suæ, seu bona, seu mala, dici librum vita: sicut etiam, inquit S. Thomas, liber militiae dicipotes, vel in quo scribuntur electi ad militiam, vel in quo traditur ars militaris, vel in quo recitantur facta militum. Quo sensu Apocal. 20. v. 12. dicitur, *Alius liber apertus est, qui est vita, & indicati sunt mortui ex his, quæ scripta erant in libris, secundum opera ipsorum.*

Quare autem non pari modo dicatur in scriptura liber mortis, in quo describantur reprobi, rationem reddit S. Thomas resp. ad 3. quia, inquit, non est (ordinariè scilicet) consuetum, conscribi eos, qui repudiantur (v. g. à militia); sed eos qui eliguntur; unde reprobationem respondet liber mortis, sicut prædestinationi liber vita. Quanquam absolute nihil obstat, quo minus etiam alter liber reproborum in Deo constituantur; cum inter homines etiam describi soleant, qui morte damnandisunt, ut bene Vasquez hic quæst. 24. artic. 2. iuxta illud Ierem. 17. *Recedentes autem, in terra scribentur; & Basilius in cap. 4. Iaia, in illa verba, Erit quod relatum fuit;* & Gregorium Nazianenum orat. 9. ad Julianum, vbi ait: *Nisi forte de quoddam viuentium, pereuntiumque libro nihil unquam audisti: illuc omnes scribentur, vel ut rectius dicamus, iam inscripti sumus:* & facit illud Dan. 7. v. 10. *Libri aperti sunt; non vñ sed plures.*

Assertio II. Liber vita simpliciter & absolute dictus, non est respectu solius gratia, sed respectu gloriae; seu quod idem est, non est conscriptio seu notitia eorum qui electi sunt solum ad gra-

tiam, sed qui ad gloriam. Ita S. Thomas cit. q. 24. artic. 2. ex communi; & sumitur ex scriptura; quæ fere semper ita de libro vita loquitur, ut videre est Exodi 32. v. 32. psalmo. 39. v. 9. Daniel. 7. v. 10. Philipp. 4. v. 3. Apocal. 3. 6. 13. & 21. licet aliquando etiam referatur ad eos, qui iuxta presentem solum iustitiam ordinati & deputati sunt ad vitam æternam, secundum illud psal. 68. v. 29. *Deleantur de libro viuentium, & cum inscribantur.* Qui tamen non simpliciter, sed tantum secundum quid intelliguntur scripti in libro vita, ut bene expōsūt S. Thomas ibidem. Ratio est. Quia sicut in humanis Elección & inscriptio fit ad aliquem finem, non ad ipsa per se media ordinata in eundem finem: non enim miles eligitur aut conscribitur ad hoc, ut armetur, sed ut pugnet; hoc enim est proprium officium, ad quod militia ordinatur: ita etiam in ordine supernaturali liber vita simpliciter & absolute non dicitur, nisi respectu electorum ad ipsum finem supernaturalem, qui est gloria. Quare autem non etiam respectu ipsius vita diuinæ, aut vita naturalis hominum, detur liber vita, optimè rationem reddit S. Thomas eodem artic. 2. ad 1. & 2. quia cum vita illa virtusque sit naturalis, ad eam propriè non datur electio; ac proinde nec liber vita, qui est electorum ad vitam conscriptio, ut dictum.

Assertio III. Absolutè & simpliciter conscripti in libro vita, ex eo nunquam delentur: secundum quid autem, & secundum præsentem dunt taxat statutum iustitiae, in libro vita conscripti, aliquando ex eo delentur. Ita S. Thomas ead. quest. 24. artic. 3. ex communi. Et primum patet ex illo Apocal. 3. v. 5. *Qui vicerit sic, vestietur vestimentis albis, & non delebo nomen eius de libro vita.* Secundum patet ex illo Exodi 32. v. 33. *Qui peccauerit mihi, delebo eum de libro meo.* Et psal. 68. v. 29. *Deleantur de libro viuentium.*

Ratio virtusque est. Quia liber vita absolute & simpliciter est ordinatorum in vitam æternam, secundum diuinam prædestinationem, quæ infallibilis est, & immutabilis, ut inferius dicitur; secundum quid autem, etiam ordinatorum ad vitam æternam secundum præsentem iustitiam; seu ut loquitur S. Thomas, corum, qui sunt habituri vitam æternam non in seipsa, sed in sua causa; qui dicuntur deleri de libro vita, non secundum ipsum notitiam Dei; quasi hæc in Deo muretur, & Deus aliquid desinat scire, quod anteas sciebat; sed secundum ipsam rem scitam, & effectum gratia, qui amitti potest: quo fit, ut etiam Deus nouerit, aliquem prius ordinari in vitam æternam, & postea non ordinari, postquam à gratia excidit; ut recte S. Thomas ibidem: quamuis citatum illum locum ex psalmo SS. Patres subinde etiam aliter explicent, nimur ut vel intelligatur solum secundum spem & opinionem humanam qua videbantur alijs, aut sibi, inscripti libro viuentiū, cum tamē non essent; neq; aliud sit, deleri de hoc libro, quā innotescere, eos non fuisse inscriptos eidem; quomodo etiam alias nonnunquam tunc in Scriptura aliud fieri dicitur, quando innotescit. Ita Augustinus, Russinus, & Glossa ordinaria in eum locum: vel ut idem sit, *Deleantur, quod,*

non scribantur, vel non sint scripti, vt pluribus Vasquez cit. quest. 24. art. 3.

Illud vero Moysis Exod. 32. v. 32. *Aut dimittis hanc noxiam, aut si non facis, dele me de libro tuo, quem scripsisti*, inter alias explicationes, quas habet Vasquez loc. cit. meo iudicio optimè intelligitur per hyperbolem seu exaggerationem, vt indicat etiam Augustinus in Exod. quest. 147. ad declarandam vim amoris erga populum; quo modo amantes, cum enixissimè rogare volunt, dicunt, Aut fac hoc, aut occide me, quia sine eo vivere non possum; probè gnari, id quod petitur, nuncquam futurum. In quem sensum etiam locuta est

Rachel Genes. 30. v. 1. *Da mihi liberos, alioqui moriar.*

Ad eundem modum accipi potest illud Apostoli Rom. 9. v. 3. *Opebam ego ipse Anathema esse à Christo, pro fratribus meis*: quanquam hoc cum S. Anselmo, Caietano, in eundem locum, & Bartholomæo Camerario in dial. cap. 6. rectius ita explicet Vasquez, vt Paulus loquatur de tempore, quo adhuc erat in Iudaismo; quo serio plane ipse zelo Iudaicæ legis, & amore fratrum, à Christo perpetuo separatus esse cupiebat; ratus, Christi doctrinam legi diuinæ contraria esse.

Q V A E S T I O III.

Determino seu obiecto Quod, & Effectibus Prædestinationis in specie.

S. Thomas 1. p. q. 23. a. 2. 4. 5. & 8.

AB soluetur hac quæstio tribus dubitationibus. I. *An dona omnia & bona supernaturalia Prædestinati sint effectus Prædestinationis.* II. *An bona etiam quedam naturalia Prædestinati, qualia sunt eius existentia, vita, valetudo, vires, &c. sint effectus Prædestinationis eiusdem.* III. *An mala etiam quelibet eiusdem, tum pæna, tum culpa; aut saltem permisio culpa, sint effectus Prædestinationis.*

D V B I V M I.

An dona & bona omnia supernaturalia Prædestinati, sint effectus Prædestinationis.

S. Thom. 1. p. q. 23. a. 1. & 2.

Explícata natura Prædestinationis, merito de eius effectibus prius agimus, quam de causis: tum quia tractatio de effectibus facilior est; tum quia cognitio causarum multum pendet ex notitia effectuum, eamque supponit. Et quod in rebus naturalibus accidit, vt ex cognitione effectuum rimemur causas earundem; id etiam in hac materia vñsuuenit. Et tametsi S. Thomas nullam inquisitionem peculiarem de effectibus instituerit, sed sparsim solum & incidenter quādam de ijs attingat locis cit. quasi nimurum iij per se satis noti essent, ex natura prædestinationis; nihil minus tamē ob controversias quasdam iuter recentiores Theologos hac de re ortas, necessarium est, eam ex instituto persequi & explicare. Sermo est autem de effectibus Prædestinationis in genere cause efficientis; non materialis, aut formalis, seu finalis; nisi quatenus internus actus diuinæ prædestinationis est ipse Deus, qui simus est & causa efficientis, & finalis omnium effectuum suorum.

Vocatur autem effectus prædestinationis, etiam terminus eiusdem, & obiectum Quod, vt distinguatur ab obiecto, vel subiecto Cui, quæ est persona ipsa, quæ prædestinatur; iuxta ea, quæ diximus quest. 1. dub. 1. & quest. 2. dub. 1. Vbi

tamen hoc discriminis est inter prædestinationem & prouidentiam; quod ipsa etiam existentia subiecti prædestinari potest esse obiectum Quod prædestinationis, & effectus; non autem prouidentia, vñdicetur dubio sequenti. Possunt autem omnes effectus Prædestinationis in tres ordines distribui, rerum supernaturalium videlicet, bonorum naturalium, & malorum; de quibus ordine singulis dubijs agere propofuimus.

Supponimus autem generatim primo, Prædestinationem plane habere aliquos effectus; seu quod idem est, esse causam efficientem quorundam effectuum, qui ex ea consequuntur: siue eos causet per physicam efficientiam, immediate a gendo ad extra; siue potius quasi per moralem & artificiosam, per modum scilicet dirigentis, aut impellentis potentiam executivam, immediate ad extra operantem; pro communi scilicet ratione causandi diuini intellectus & voluntatis, de qua egimus disputatione præcedenti, questione vñdecima. Tradunt hoc fundamentum omnes Theologi in prim. d. quadragefima & quâdragefima prima, & S. Thomas hic artic. 2. & est expressa doctrina S. Augustini, de Prædestin. sanct. cap. decimo, & de bono perseverantia cap. 14. & sumitur ex Apostolo ad Romanos 8. verbu 28. scimus autem, quoniam diligentibus D E V U M o m n i a

coope-